



საქართველოს მთავრობის განკარგულება

№225 2018 წლის 30 იანვარი ქ. თბილისი

2018-2019 წლების განმავლობაში ფიჭური სატელეფონო მომსახურების სახელმწიფო შესყიდვის კონსოლიდირებული ტენდერ(ებ)ის საშუალებით განხორციელების თაობაზე

ფიჭური სატელეფონო მომსახურების 2017-2018 წლების კონსოლიდირებული ტენდერისა და მისი შედეგების ანალიზის გათვალისწინებით:

1. „სახელმწიფო შესყიდვების შესახებ“ საქართველოს კანონის 20² მუხლის შესაბამისად, 2018-2019 წლების (2019 წლის 31 იანვრის ჩათვლით) განმავლობაში ფიჭური სატელეფონო მომსახურების სახელმწიფო შესყიდვის მიზნით, სახელმწიფო შესყიდვების ერთიანი ელექტრონული სისტემის მეშვეობით ჩატარდეს კონსოლიდირებული ტენდერ(ებ)ი.

2. იმ შემთხვევაში, თუ კონსოლიდირებული ტენდერი შეწყდება ან დასრულდება უარყოფითი შედეგით, აღნიშნულიდან არა უგვიანეს 60 კალენდარული დღის განმავლობაში განმეორებით გამოცხადებულ კონსოლიდირებულ ტენდერში შეწყვეტილ ან უარყოფითი შედეგით დასრულებულ კონსოლიდირებულ ტენდერში მონაწილე პრეტენდენტისთვის სატენდერო წინადადების წარდგენის საფასური განისაზღვროს 500 ლარის ოდენობით.

3. საჯარო სამართლის იურიდიულმა პირმა – სახელმწიფო შესყიდვების სააგენტომ უზრუნველყოს 2018-2019 წლების განმავლობაში ფიჭური სატელეფონო მომსახურების კონსოლიდირებული ტენდერ(ებ)ის ჩატარებისათვის სატენდერო დოკუმენტაცი(ებ)ის პროექტ(ებ)ის მომზადება და კანონმდებლობით დადგენილი სხვა აუცილებელი სამართლებრივი და ორგანიზაციული ღონისძიებების განხორციელება.

4. 2018-2019 წლების განმავლობაში ფიჭური სატელეფონო მომსახურების კონსოლიდირებული ტენდერ(ებ)ის ჩატარებისა და შემდგომი ადმინისტრირების მიზნით, შეიქმნას ფიჭური სატელეფონო მომსახურების 2018-2019 წლების კონსოლიდირებული ტენდერ(ებ)ის სატენდერო კომისია, რომლის შემადგენლობა და საქმიანობის წესი განისაზღვრება ამ განკარგულების დანართით.

5. 2019 წელს უწყვეტი ფიჭური სატელეფონო მომსახურების უზრუნველყოფისა და სახსრების რაციონალური ხარჯვის პრინციპიდან გამომდინარე, საჭიროების შემთხვევაში, ამ განკარგულების პირველ პუნქტში მითითებული ვადა, ამ განკარგულების მე-4 პუნქტით განსაზღვრული სატენდერო კომისიის გადაწყვეტილებით, შესაძლებელია გაგრძელდეს 2019-2020 წლების ფიჭური სატელეფონო მომსახურების სახელმწიფო შესყიდვის კონსოლიდირებული ტენდერის გამოცხადებამდე ან/და გამოცხადებულ კონსოლიდირებულ ტენდერში გამარჯვებულ პრეტენდენტთან სახელმწიფო შესყიდვის ხელშეკრულებების გაფორმების და პორტირების პროცედურების დასრულებამდე.

პრემიერ-მინისტრი



გიორგი კვირიკაშვილი

საქართველოს მთავრობის
2018 წლის 30 იანვრის
№225 განკარგულების
დანართი

**ფიჭური სატელეფონო მომსახურების 2018-2019 წლების
კონსოლიდირებული ტენდერ(ებ)ის სატენდერო კომისიის შემადგენლობა
და საქმიანობის წესი**

1. ფიჭური სატელეფონო მომსახურების 2018-2019 წლების კონსოლიდირებული ტენდერ(ებ)ის სატენდერო კომისია (შემდგომში – სატენდერო კომისია) შექმნილია ფიჭური სატელეფონო მომსახურების 2018-2019 წლების კონსოლიდირებული ტენდერ(ებ)ის ჩატარებისა და მისი შემდგომი ადმინისტრირების, ასევე კონსოლიდირებული ტენდერთა და ტენდერის ფარგლებში დადებული შესყიდვის ხელშეკრულებებით განსაზღვრული უფლება-მოვალეობების შესრულების მონიტორინგის განხორციელების მიზნით.

2. ბაზრის კვლევის შედეგებზე დაყრდნობით, კონსოლიდირებული ტენდერ(ებ)ის თავისებურებებიდან, სახსრების რაციონალური ხარჯვის პრინციპიდან ან/და ეფექტიანობის პრინციპიდან გამომდინარე, სატენდერო კომისია უფლებამოსილია, განკარგულების პირველ პუნქტში განსაზღვრული ვადის განმავლობაში ჩაატაროს ერთი ან რამდენიმე კონსოლიდირებული ტენდერი.

3. სატენდერო კომისიის შემადგენლობაში შედიან:

ილია ბეგიაშვილი – საქართველოს მთავრობის ადმინისტრაციის ადმინისტრაციული მართვის დეპარტამენტის უფროსი, სატენდერო კომისიის თავმჯდომარე;

ლევან რაზმაძე – სსიპ – სახელმწიფო შესყიდვების სააგენტოს თავმჯდომარე, სატენდერო კომისიის თავმჯდომარის მოადგილე;

ნოდარ ხადური – სსიპ – კონკურენციის სააგენტოს თავმჯდომარე, სატენდერო კომისიის წევრი;

გიორგი თაბუაშვილი – საქართველოს ფინანსთა მინისტრის პირველი მოადგილე, სატენდერო კომისიის წევრი;

ლევან კაკავა – საქართველოს შინაგან საქმეთა მინისტრის მოადგილე, სატენდერო კომისიის წევრი;

ირმა ქავთარაძე – საქართველოს ეკონომიკისა და მდგრადი განვითარების მინისტრის მოადგილე, სატენდერო კომისიის წევრი;

გიორგი ბუთხუზი – საქართველოს თავდაცვის მინისტრის მოადგილე, სატენდერო კომისიის წევრი;

ვასილ ჯანჯღავა – საქართველოს იუსტიციის სამინისტროს ეკონომიკური დეპარტამენტის უფროსი, სატენდერო კომისიის წევრი.

4. სატენდერო კომისიას ხელმძღვანელობს სატენდერო კომისიის თავმჯდომარე, მისი არყოფნის შემთხვევაში – თავმჯდომარის მოადგილე, ხოლო მოადგილის არყოფნისას, თავმჯდომარის დავალებით – სატენდერო კომისიის ერთ-ერთი წევრი.

5. სატენდერო კომისიის სხდომა უფლებამოსილია, თუ მას ესწრება სატენდერო კომისიის წევრთა სიითი შემადგენლობის ნახევარზე მეტი. სატენდერო კომისიის სხდომაზე გადაწყვეტილება მიიღება კომისიის დამსწრე წევრთა ხმათა უმრავლესობით, მაგრამ არანაკლებ სიითი შემადგენლობის ხუთი წევრისა. სატენდერო კომისიის სხდომა ტარდება საჭიროებისამებრ.

6. სატენდერო კომისიის მიერ სხდომაზე მიღებული ნებისმიერი გადაწყვეტილება ფორმდება ოქმით, რომელიც შესაძლებელია, შეთანხმდეს როგორც ელექტრონული, ასევე მატერიალური ფორმით, რომელსაც ხელს

აწერს კომისიის ყველა დამსწრე წევრი. კომისიის წევრთა ხელმოწერა არ არის სავალდებულო იმ შემთხვევაში, თუ ოქმი თანხმდება ელექტრონული ფორმით.

7. სატენდერო კომისიის სხდომის ოქმის შეთანხმება ელექტრონული ფორმით ხორციელდება შემდეგი ელექტრონული ფოსტის mobile2018@spa.gov.ge მეშვეობით. აღნიშნული ელექტრონული ფოსტის მეშვეობით წადგენილი კორესპონდენცია წარმოადგენს იურიდიული ძალის მქონე დოკუმენტებს.

8. სატენდერო კომისიის წევრი, რომელიც არ ეთანხმება სატენდერო კომისიის გადაწყვეტილებას, უფლებამოსილია, წერილობით წარადგინოს თავისი აზრი, რომელიც უნდა დაერთოს სატენდერო კომისიის გადაწყვეტილებას.

9. სატენდერო კომისიის გადაწყვეტილება იმ საკითხებთან დაკავშირებით, რომლებიც არ საჭიროებს კომისიის სხდომის მოწვევას, შესაძლებელია, მიღებულ იქნეს შემდეგი ელექტრონული ფოსტის mobile2018@spa.gov.ge მეშვეობით. აღნიშნული ელექტრონული ფოსტის მეშვეობით წარდგენილი კორესპონდენცია წარმოადგენს იურიდიული ძალის მქონე დოკუმენტებს.

10. სატენდერო კომისიის ორგანიზაციულ საქმიანობას უზრუნველყოფს საჯარო სამართლის იურიდიული პირი – სახელმწიფო შესყიდვების სააგენტო.